

Hestamannafélagið Þjálfí

Skýrsla um æskulýðsstarf

Við höldum 5 daga námskeið fyrir börn og unglinga (og fullorðna) á félagssvæðinu í byrjun júlí. Þátttaka var gríðarlega góð miðað við það sem við áttum von á. 21 barn skráði sig og öll mættu og voru allan tímann. Kennarar voru Elsa Albertsdóttir og Erlingur Ingvarsson reiðkennarar frá Hlíðarenda í Bárðardal, sem náðu mjög góðu sambandi við krakkana og unnu vel úr því að skipta börnunum eftir getu og reynslu í hestamennskunni. Hestamannafélagið sá um að útvega hesta fyrir þau börn sem ekki höfðu og að koma þeim á staðinn en námskeiðið var haldið á félagssvæði Þjálfá að Einarstöðum í Reykjadal. Félagsmenn brugðust vel við að lána hesta en þar sem þessi börn voru mörg algerir byrjendur var ekki auðvelt að finna hesta sem þeim hentaði. Allt gekk það þó upp. Hestamannafélagið greiddi niður námskeiðsgjaldið og við í fræðslunefndinni sáum um að aðstoða börnin við að taka hestana og leggja á fyrir þau sem þurfti. Nærvera okkar allan tímann skipti miklu máli fyrir börnin sem eðlilega vissu ekki alltaf hvernig þau áttu að bera sig að. Nokkrir foreldrar voru einnig mjög virkir og gáfur sér góðan tíma til að vera með börnunum á meðan að námskeiðið stó yfir. Fyrirhugað var að halda annað námskeið mánuði seinna, bæði fyrir þau börn sem ekki komust á þetta og eins til þess að viðhalda áhuga hinna sem kviknaði svo sannarlega þarna. Af því var hinsvegar ekki þar sem okkur tókst ekki að finna reiðkennara í tæka tíð.

Mér finnst vanta aðgengilegar upplýsingar á Netinu þar sem reiðkennarar auglýsa sig því væntanlega vilja þeir vinna við það sem þeir eru búnir að læra. Að vinna með börnum og unglingum í hestamennskunni er svo sannarlega gefandi vinna. Það er kannski með þetta eins og járníngarnar; því fleiri sem læra að járna því erfiðara er að fá hestana sína járnaða; að því fleiri sem læra reiðkennslu, því erfiðara sé að finna einhverja til að kenna! Það sem mér fannst vanta á þessu námskeið voru unglingarnir, enda spurning hvort einstök námskeið duga til þess að viðhalda áhuga þeirra á hestamennskunni. Þess má geta að ferðapjónustuaðili hér á svæðinu hefur verið að bjóða upp á reiðnámskeið í tengslum við hestaleigu svo krakkar hér hafa haft fleiri möguleika að komast á bak en námskeið hestamannafélagsins. Hugmyndir eru skýrast fyrir starfið næsta sumar

K.kv.

F.h. fræðslunefndar Þjálfá

Bergljót Hallgrímsdóttir